

MEDITATIONES PHILOSOPHICAE
DE
NONNVLLIS
AD
POEMA
PERTINENTIBVS,

QVAS
AMPLISSIMI PHILOSOPHO-
RVM ORDINIS

CONSENSV
AD D. SEPTEMBRIS MDCCXXXV.
H. L. Q. C.

ERVDITORVM DIIVDICATIONI SVBMITTIT
M. ALEXANDER GOTTLIEB
BAVMGARTEN,
RESPONDENTE
NATHANAELE BAVMGARTEN.

HALAE MAGDEBURGICAE,
LITTERIS IOANNIS HENRICI GRVNERTI, ACAD. TYPOG R.
(5)

DE NONNVLLIS AD POEMA PERTINENTIBVS. §

§. LXV..LXXVII. tandem ad terminos poeticos conuersus eos etiam ponderare curatius instituo §.LXXVII.CVII. Definitionis nostrae foecunditate declarata eandem conferre vi- sum est, cum nonnullis aliis, & in fine de poetica generali tria verba subnecere. Nec plura permisit instituti ratio, nec me- ditantis imbecillitas meliora, grauiora posthinc & maturiora forte largientur DEVS, tempus, industria.

§. I.

ORATIONEM cum dicimus, *seriem vocum representationes connexas significantium intelligimus.*

Vnam hanc vocem testem citare possemus, si quis defi- nitiones terminorum clarorum omnes inutilitatis reas ageret. Clae- re intelligunt, qui nondum aere lauantur, quid sit oratio, nisi tamen distinctus eius, quem sequimur, significatus exponatur, mens va- ga fluctuat, & quam notionem potestatem voci tribuat in praesenti, prorsus ignorat. Orationem cum meditatione & tentatio- ne commendat Theologus, in qua tamen voce sunt modi defi- nitionem perperam ingressuri. Orationem logicus a schola di- Etus cum suo Aristotele τον εξω λογον τον προφερον vocat, id, cuius partes significant separatum, & verminante iecinore, sitne syllogismus oratio, an orationes, disquirit. Orationem magna voce rhetor edicit sedulo distinguendam a declamatione, vtne pugnam & palaria confidisse videamus. Liceat communem lo- quendi usum sequutos eruere, quid illud sit, quod latius ora- tionem vocamus quotidie, si quis vero sermonem maluerit ap- pellare, non bella mouebimus nullos habitura triumphos. Qui sermones Horatii cogitarit, videbit hic aptius a termino sermo- nis abstineri.

§. II. *Ex oratione representationes connexae cognoscen- dae sunt. §. I.*

Minor est axioma definitionis, maiorem dabit definitio si- gnificantis sive signi, quae, ut ontologica satis nota, omittitur.

Petimus enim hanc veniam, vt, quae inter emunctioris naris philosophos pro demonstratis & definitis habentur sine definitione, dum eandem ob oculos ponamus, sine demonstratione adhibere concedatur. Citationes hypothetice impossibilis. Demonstrationes partim aliunde transfundendae, partim non sine μεταβασει εις αλλο γενος essent necētendae. Cicero Tusc. Quæst. lib. V. p. m. 250. Verumtamen mathematicorum iste mos est, non philosophorum. Nam geometrae cum aliquid docere volunt, si quid ad eam rem pertinet eorum, quae ante docuerunt, id sumunt pro concessō Ε probato (definito) illud modo explicant, de quo ante nihil scriptum est. Philosophi quacunque rem habent in manibus, in eam, quae conueniunt, congerunt omnia, et si alio loco disputata sunt. Egregiam vero laudem & spolia ampla sophorum αγεωμετρητων.

§. III. REPRAESEN TATIONES per partem facultatis cognoscitivæ inferiorem comparatae sint SENSITIVAE.

Quoniam appetitus quam diu ex confusa boni representatione manat, sensitivus appellatur: confusa autem cum obscura representatione comparatur per facultatis cognoscitivæ inferiorem partem, poterit idem nominis ad ipsas etiam representationes applicari, vt distinguantur ita ab intellectuibus distinctis per omnes gradus possibles.

§. IV. ORATIO, representationum sensituarum sit SENSITIVA.

Sicut nemo philosophorum eo profunditatis descendit, vt intellectu puro perspexisset omnia, nunquam haerens in confusa quorundam cognitione, adeoque oratio nulla paene tam est scientifica & intellectualis, vt ne vna quidem occurrat per omnem nexus sensitiva idea, ita potest etiam distinctæ praesertim cognitioni dans operam inuenire has vel illas representationes distinctas in oratione sensitiva, manet tamen sensitiva, vt prior abstracta & intellectualis.

§. V. Ex oratione sensitiva representationes sensitivæ connexæ cognoscenda sunt. §. 2. 4.

§. VI.

§. VI. *Orationis sensituae varia sunt 1) repraesentationes sensituae, 2) nexus earum, 3) voceſ ſive ſoni articulati litteris conſtantēſ earum ſigna.* §. 4. I.

§. VII. ORATIO SENSITIVA PERFECTA eſt, cuius varia tendunt ad cognitionem repraefentationum sensituarum. §. 5.

§. VIII. Quo plura varia in oratione sensitua facient ad excitandas repraefentationes sensitivas; eo erit illa perfectior. §. 4. 7.

§. IX. Oratio sensitua perfecta eſt POEMA, complexus regularum, ad quas conformandum poema POETICE, ſcienția poetica PHILOSOPHIA POETICA, habitus conficiendi poematis POESIS, eoque habitu gaudens POEFA.

In recoquendis harum vocum, quas ſcholaſtici dicunt, definitionibus nominalibus patent compilanda Scaligerorum, Voffiorum plurimorumque refertissima ſcrinia. Libentes tamen manum de tabula, ſi hoc vnum monuerimus. Poema & poefin cum Lucilio, Nonius Marcellus, Aphthonius, Donatus videntur diſtinguere tantum, ut maius & minus, & poeſeos i. e. longioris cuiusdam poematis, poema facere partem aliquam & ſectionem, ut diſferant, ſicut Illias & Iauium graecarum catalogus apud Homerum. In quo tamen a Voffio iam oppofitus illis eſt uſus.

Quem penes arbitrium eſt ē ius ē norma loquendi.

Quando tamen idem Ciceronem concedit vti termino poeſeos loco poematis, omne punctum vix feret. Citata enim loca contrarium innuere videntur: Quaef. Tuscul. V. p. m. 269. quum Homo non poefin ſed picturam tribuit, artem omnia & ea, quae ſub oculos cadunt, imitandi in coeco miratur, non vero huius artis effatum, ſaltim non exclusiue, quod tamen neceſſarium eſſet, ſi hinc inſolitus voeſ poeſeos ſignificarus probari poſſet. Aliter locus non in libro VI: ut in duabus Voffii editionibus ſcriptum legitur, ſed in IV. Quaef. Tuscul. p. m. 243. poefin Anacreontis totam eſſe dicit amatoriam. An vero hic queat ſubſtitui vox poema in numero singulari: an potius omnem fundendorum carminum impetum apud Anacreontem ad amores cauendos vnicę propendere doceat

Cicero.

MEDITATIONES PHILOSOPHICAE

Cicero, & poesis ita retineat vindicatam ipsi potestatem, non diffi-
cultur, nisi fallimur, poterit dijudicari.

§. X. Poematis varia sunt, 1) repraesentationes sensitivae
2) earum nexus 3) voces earum signa. §. 9.6.

§. XI. POETICVM dicetur quicquid ad perfectionem
poematis aliquid facere potest.

§. XII. Repraesentationes sensitivae sunt varia poe-
matis §. 10. ergo poeticae §. II. 7. quum autem sensitivae aut
obscure aut clarae §. 3. sint, *obscure et clarae sunt repraesentatio-
nes poeticae.*

Possunt quidem eiusdem rei repraesentationes huic obscurae,
illi clarae, tertio denique distinctae esse, quando vero de repraes-
entationibus oratione significandis sermo est, eae intelliguntur, quas
loquens intendit communicare. Hic ergo quaeritur, quas poeta
in poemate significare repraesentationes intendat.

§. XIII. In repraesentationibus obscuris non tot con-
tinentur notarum repraesentationes, quot ad recognoscen-
dum & distinguendum ab aliis repraesentatum sufficiunt,
continentur vero in repraesentationibus claris (per deff.)
ergo plura varia facient ad communicandas repraesentatio-
nes sensitivas, eae, si fuerint clarae, quam si fuerint obscu-
rae. Ergo poema, cuius repraesentationes clarae, perfe-
ctius, quam cuius obscurae, & clarae repraesentationes magis
poeticae §. II. quam obscurae.

Hinc eorum refutatur error, qui quo obscurius & intricatus ef-
futire possunt, hoc se loqui somniant περτικωτερως. Neutiquam vero
pedibus itur in illorum sententiam, qui optimos quosque poetas ideo
reiectum eunt, quia oculis male inunctis meras se ibi tenebras spissam-
que videre noctem arbitrantur. e.g. Persii Sat. IV. v. 45.46.

Si Puteal multa cautus vibice flagellas

Nequicquam populo bibulas donaueris aures.

*notam cimmeriae caliginis inuret temere historiae Neronianae igna-
rus,*